

E whakaatu ana a Tatauranga Aotearoa i te āhua o te oranga me te whanaketanga a te Māori

E rāhuitia atu ki te 4:15 i te ahiahi - 27 Pipiri 2012

Kua whakarewahia e Tatauranga Aotearoa a Te Ao Mārama 2012, he whakaputanga motuhake hōu mō te Māori e whakaatu ana i ngā tino mōhiohio mō te oranga me te whanaketanga a te Māori, hei tā te pānui a te Kaitatau Matua a te Kāwanatanga a Geoff Bascand i te rā nei.

“E ai ki ngā tatauranga hou, tata ki te 673,500 ngā tāngata i Aotearoa e kī ana he whakapapa Māori tō rātau. Ahakoa kua whakaputaina ētahi tatauranga Māori a Tatauranga Aotearoa i mua, he tino iti ngā whakaputanga e wātea ana, e whai mārama ana hoki.

“Kua kitea e mātau me whakaputa ngā mōhiohio mō te Māori kia taea māmātia, ā, kia huihuitia ngā mōhiohio hira ki te wāhi kotahi.

“E whai pānga a Te Ao Mārama 2012 ki ngā raraunga whānui o ngā tatauranga ohanga, pāpori, ahurea, me te taiao.

“Hei tauira, i te tau 1991, o ngā tāngata katoa e kī ana he Māori rātau, 132,000 ngā tāngata kāore i te mōhio nō tēhea iwi rātau, engari i te tau 2006 i heke tēnei kaute ki te 102,000.

“I tua atu i te whakatakoto mōhiohio whaitake i roto i a Te Ao Mārama, kua whakapakari haeretia e mātau tō mātau wāhanga tatauranga Māori i tā mātau paetukutuku. Ka māmā ake, ka tere ake me te taea haratau anō o ngā mōhiohio nui e pā ana ki te Māori.

“I te mōhio tonu mātau he putunga kōrero nui tā mātau mō te Māori engari tokoiti noa ngā tāngata e whai mōhio ana ki ēnei mōhiohio, ā, me pēhea anō te toro.

“Mā te whakaputanga o Te Ao Mārama me te kounga o ngā mōhiohio kei te ipurangi, ko te tūmanako ka kaha ake te whakamahia o ēnei mōhiohio.”

Mēnā ka tino pīrangitia te whakaputanga nei ko te wawata ka whakahōungia ia rua tau, hei tāpiritanga ki te whakaputanga ā-tau o Te Āhua o Aotearoa a Tatauranga Aotearoa.

Tirohia tuihonotia a Te Ao Mārama 2012 (www.stats.govt.nz/maori) – ka wātea hei te 4:15 i te ahiahi.

Otahia he kape o Te Ao Mārama 2012 mā te waea atu ki 0508 525 525, te īmēra rānei ki info@stats.govt.nz.

Geoff Bascand
Kaitatau Matua a te Kāwanatanga

27 Pipiri 2012

KUA MUTU

Mō ngā uiui pāpāho, reo Māori, reo Ingarihi hoki, whakapā ki a:
Vikki Carter
Te Whanganui-a-Tara 04 931 4600
Īmēra: info@stats.govt.nz